




Газет 2001-йисан
ноябрдилай акъатзава

РД - дин Докъузпара райондин общественно-политический газет.
Общественно-политическая газета Докузпаринского района РД.

Эренлардин СЕС

№40 (814) 4-Октябрь, арбе, 2017-йис. Почтамтгадй зур йисан кьимет - 226 манат

Муаллимрин йикъан сувариз талукъ яз, «Докъузпара район» МО-дин Кьил А.М. Алискерован тебрик



1965-йисан 29-сентябрдиз СССР-дин Верховный Советдин Президиумдин къарардалди муаллимдин югъ, сувар хъиз, кьейд ийиз гатунна. 1994- йисуз ЮНЕСКО-дин конгресдин программадал бинелу яз, гъар йисан 5- октябрдин югъ, Виридуьньядин муаллимрин суварин югъ яз кьейдзава. Муаллимдиз ва адан зегъметдиз гъар са уьлкведа, чилин гъар са пипле еке дикъет ва кьимет гузва. Образование цийи хьийизвай гъалара чи уьлкведа ва республикада адаз иллаки важиблу ва сифте чкадал алай дикъет гузва, муаллимривай ийизвай истемешунар лап кьетГибур жезва. Цийи технологийрин ва

инновацийрин аямда акъалтзавай несилдин кьатунрин ва агалкьунрин мумкинвилериз рехъ ачухун, абурун бажарагъ вилик тухун лап ж а в а б д а р к I в а л а х д и з элкьвенва. И рекъе гуьзчивал кьадарна кIандач. Авай гъвечли агалкьунрални рази хъана акъвазун кьайгъусузвилин лишан яз гьисабиз жеда. Хкъанавай пешедиз вафалу хъун, зегъметди истемешзавай дисциплина хуьн, датIана жуван винел кIвалах авун, чирвилер гунин рекъе хуси тежрибадин мукьуф кIватун, ам хийирлу терефдихъ элкьурна аялрин бейнида мягъкем жедай тегъердин тарсар тухун-къенин йикъан муаллимривай ийизвай истемешун я. И рекъе ян тагана, жавабдарвилелди кIвалахзавай муаллимар чи райондин умуми образованиедин юкьван школайрани тIимил авач.

За райондин педагогриз пешекарвили сувар - муаллимрин Югъ рикIин сидкьидай мубаракзава!

инновацийрин аямда акъалтзавай несилдин кьатунрин ва агалкьунрин мумкинвилериз рехъ ачухун, абурун бажарагъ вилик тухун лап ж а в а б д а р к I в а л а х д и з элкьвенва. И

Муаллимвал авун –им еке жавабдарвал ва чIехи гъуьрмет авуниз лайихлу, асанта тушир зегъмет я. Чна жуваз фикир ийиз, гъакьикъатдиз фикир гуз, жувахъ инанмишвал ийиз чирай ксар, чпин алахъунралди ва кьайгъударвилелди чаз дуьньядин агъвалатрай кьил акъудиз, жуван уьлкведин халисан ватандашар жез чирай ксар разивилелди рикел хуьзва.

Алай аямдин педагог-им яратмишунрин тегъерда фикир ийиз, Ватандин педагогикадин лап хъсан адетар, чирвилер гунин лап цийи кьайдайрихъ галаз сад ийиз алакьзавай кас я.

Зун инанмиш тирвал, республикадин ва райондин педагогрин пешекарвили ва абур кардиз вафалу яз хъуни образование ерилуди ва Дагъустандин обществодин, яшайишдин, экономикадин ва руьгъдин жигъетдай авай игътияжрихъ галаз кьазвайди ийидай мумкинвал гуда.

Играми муаллимар! Къуй Квехъ сагъламвал, хушбахтвал, жавабдар кIвалахда бажарагълу агалкьунар хъурай!..

Райадминистрацияда


Алай йисан 2-октябрдин сятдин цулаз, Докъузпара райондин муниципальный тешкилатдин заседанийрин залда А.М.Алискерова совещание ачухна. Инал райондин идарайрин руководители, райадминистрациядин къуллугъдин пешекарри, хуьрерин администрацийрин къилери иштиракна.

Нубатдин совещаниедал акъвазнавай къилин месэляяр тир:

1. Налукрин гъахъ-гъисабдихъ галаз алакълалу яз тамамарнавай кваллахрикай ва чилериз, квалериз шагъадатнамаяр «зеленка» туькълуьрунин гъакъиндай- докл. Гь. Асваров;

2. Муниципальный къуллугъдин рекъяй, агъалийриз чпин са бязи чарар идара ийидайла регъят хьун патал чи уьлкведа кардик кутунвай «Портал государственных услуг» сайтдин гъахъ-гъисабдикай- докл. С.Я.Гъажимурадов;

3. Хуьтлуьн вахтуниз мектебар, идараяр гъазур авунин



карда тамамарнавай кваллахрикай ва анра авай кими-эксиквилер туькълуьр хьувуникай;

4. Къуд лагъай октябрдиз Вироссияда къейдзавай «День войск гражданской обороны МЧС России» суварикай ва адахъ галаз алакълалу яз 4-6 октябрдин йикъара къиле фидай чирвилерин мярекатрикай- докл. Р.Р.Агъаметов;

5. Дагъустандин Кеферпатан районра пайда хъанвай къара маларин «Нодулярный дерматит» азардикай;

6. Жуьреба-жуьре месэляяр. Винихъ къалурнавай месэляйриз килигуналди, нубатдин совещаниедин кваллах акълтГна.

Эдуард ГЪАЖИБЕКОВ

Агъалийрин месэляяр фикирда къуна



Адет хъанвайвал, Республика Дагъустандин Гьукуматдин Къилин ва Правительстводин администарцийрин теклифдалди чи Республикадин муниципальный тешкилатриз гъар са вацра, чкадал

агъалияр къабулун патал, къуллугъдин рекъяй Министрар ва абурун заместителар рекъе твазва. Алай йисан 30-сентябрдиз Республика Дагъустандин здравоохранениедин министрдин

сад лагъай заместитель Гъабибулаев Фейзулагъ Адиюлахович «Докъузпара район» муниципальный тешкилатдин къуллугъчийрихъ галаз гуьруьшмиш хъана. Сагъламвал хуьнин рекъяй члехи къуллугъдин векилди вич атуьнин, макъсаддикай лагъана: ада, чпихъ яшайишдин рекъяй суалар авай инсанар, райондин агъалияр къабулзавай. Агъалияр къабулунин кваллах МО-дин Къил А.Алискеров галаз къиле фена. Министрдин заместительдин приемдиз райондин хуьрерай тир агъалияр, жуьреба-жуьре месэляйрин гъакъиндай суалар гъаз атанвай. Министрдин заместителди гъар са суал фикирда къуна ва абур гъалун патал гъар са пункт рикълел



алумукьдайвал чарче кхьена. Агьалийри ганвай суалар мектебар эцигуниз, аялрин бахчяр кардик кутуниз, МФЦ-дин ва ЦРБ-дин дараматар эцигуниз, рекьер

туьклуьр хьувуниз ва хуьрер тлебии газдалди таьминаруниз талуькьбури тир. Ф.Гьабибулаева вири агьалийрин патай атай арзаяр вичин хусуи гуьчвилик кутуна ва абур

гьялун патал вичи вири куьмекар гудайди, ва кьуватар эцигдайди хиве кьуна.

Вадим АГЪАМУРАДОВ

4-октябрь – Россиядин гражданвилини оборонадин Югь.

Россиядин гражданвилини оборонадин 85 йис

2017-йисан 4-октябрдин юкьуз, Россиядин гражданвилини оборонади, арадал атайдалай кьулуьх 85 йис кьейдзава. Россиядин календарда а югь «ярудал» кьалурнавач, амма алай обшествода адан метлеблубликай рахайтла жада. Гражданвилини оборона – им вири халкьдин югь я, вучиз лагьайтла, дяведин ва гьакI ислягь вахтунда, тади гьалара ва тлебиатди арадал гьызвай балайрихь галаз алакьалу дуьшуьшра, адаз инсандин чан хуьнихь галаз алакьа ава.

Дуьньядин сад лагьай дяведа Германиядин ВВС-ди Великобритания бомбаламиш авурла, ана «гражданвилини оборона» лугьудай термин пайда хьана. США-да гражданвилини оборона, дуьньядин кьвед лагьай дяведин вахтунда арадал кьез башламишна.

1932-йисан 4-октябрдин СССР-дин Халкьдин Комиссарин Советдин кьарардал «СССР-дин территориядин гьавадай жада гьужумдиз акси оборонадин кьанун» тестиькарна. Гьа и жуьреда гьукуматди агьалийриз цавай жада гьужумдиз акси кьуватар гьазурнавай.

1961-йисуз гьукуматдин МПВО-дин базада вири гьукуматдин



халкьдин оборонадин система – СССР-дин Гражданвилини оборона тешкилнавай. Адан кьилин макьсад, агьалияр ядерный яракьдикай хуьн тир.

1986-йисуз Чернобылдин АЭС-да авария хьайдалай кьулуьх ва Кавказдин тарихда хьайи Спитакдин чехи залзаладила кьулуьх, гражданвилини оборонади цийи везифа гьалтнавай – агьалияр тади гьаларин дуьшуьшриз, гьазурун ва чехи аварийрикай ва еке мусибатрикай хуьн.

1990-йисан 27-декабрдин агьалияр ва халкьдин майишатдин

дараматар амайдалайни хьсандиз хуьнин барадай Россиядин кьутармишзавайбурун Корпус – гелегедин гражданвилини оборонадин кранин Министерство тешкилзава.

Кьенин юкьуз гражданвилини оборона гьукуматдин важиблу пай я. Алатай йисара Россиядин гражданвилини оборонадин паяри Россияда ва 50 маса гьукуматда 160 агьзурдалай гзаф кьутармишдай операцияр кьиле тухвана.

Чи мухбир

ОБРАЗОВАНИЕ

Ктабар агакьна

И йикьара Докьузпара райондин образованидин управленидиз са «Газель» ацлай ктабар хтана. Кьейд ийин, «ЭС» газетдин алатай нумрада чна Дагьустандин мектебар

учебникралди тамамвилелди таьмин туширдакьай, и нукьсан арадай ахкьудун патал РД-дин образованидинни илимдин министерстводи кьабулзавай серенжемрикай хабар ганай.

Докьузпара райондин образованидин управленидин методист Ханум Султановади кьейд



авурвал, нубатдин сеферда райондин мектебар патал санлай кьачурла 4610 учебник хтанва.

Рикел хкин, идалай виликни цинин йисуз 3-4 ва 7-классра клелзавай аялар патал Докъузпара райондин УО-диз учебникар хтанай.

«Россиядин чапханайрихъ галаз кутлуннавай икьрар себег яз октябрдин юкьвара хъиз 8-11-классра клелзавай бур патал мектебрив ктабар агакьда», - хабар ганай са тлимил вахтар инлай вилик РД-дин образованидинни илимдин пресс-кьуллугъди.

Кьилди кьачуртла, 7, 8, 9, 10, 11-классар патал обществознанидин, географиядин, урус литературадин (1 ва 2-паяр), ингилис члалан, геометриядин, алгебрадин, урус члалан ва тарихдин ктабар агакьнава. Икьван члалди аялрин гьилера авайтлани, мектебар бес кьадарда таьмин туширвилей 6-класс патал са тлимил урус члалан, тарихдин, ингилис члалан ва урус литературадин (1 ва 2-паяр) ктабарни хканва.

1-класс патал азбукайрин кьитвал екеди туширтлани, абур фад



куьгъне жезвайвилей ва аялар мектебра артух жезвайвилей алава яз и ктабарни агакьнава.

«И вири ктабар агакьарун патал чна алатай 2016-йисуз РД-дин образованидинни илимдин министерстводиз талукъ чар ракьурнай. Гьелбетда, учебникрин жигьетдай чи мектебра кьитвал авай. Ингъе, гила чи тлалабун кьилиз акьатнава. И сеферда хтай ктабар

себег яз чи мектебра ктабрин кьитвал амуькдач», - лугъузва Докъузпара райондин образованидин управленидин методист Х.Султановади.

Алай вахтунда учебникар райондин вири мектебриз тайинарзава ва са гьафтедилай абур вири мектебрив агакьда.

Куругъли ФЕРЗАЛИЕВ

Собрание депутатов сельского поселения с. Новое-Каракюре

РЕШЕНИЕ

О передаче полномочий, по созданию условий для организации досуга и обеспечения жителей поселения услугами организаций культуры

В соответствии с абзацем 1 части 4 статьи 15 Федерального закона от 6 октября 2003 года №131-ФЗ «Об общих принципах организации местного самоуправления в Российской Федерации», Собрание депутатов сельского поселения село «Новое-Каракюре»

постановляет:

1. Передать МО «Докузпаринский район» полномочия по созданию условий для организации досуга и обеспечения жителей поселения услугами организаций культуры.

2. Полномочия передаются без установления срока.

3. Установить, что финансовое обеспечение передаваемых полномочий осуществляется, в соответствии со статьей 142.5 Бюджетного кодекса Российской Федерации, за счет иных межбюджетных трансфертов,

предусмотренных решением о местном бюджете поселения.

4. Находящееся в собственности поселения имущество, используемое для осуществления передаваемых полномочий, подлежит передаче в безвозмездное пользование муниципальному району.

5. Передача полномочий по созданию условий для организации досуга и обеспечения жителей поселения услугами организаций культуры осуществляется на основании соглашения между

поселением и районом.

6. Передаваемые полномочия могут быть прекращены (отозваны) досрочно в случае:

6.1. соглашения между поселением и районом.

6.2. в одностороннем порядке в случае:

нарушения одной из сторон бюджетного законодательства Российской Федерации

изменения действующего законодательства Российской Федерации



Федерации и (или) законодательства Республики Дагестан; неисполнения или ненадлежащего исполнения одной из сторон своих обязательств в соответствии с настоящим Соглашением; если осуществление полномочий становится невозможным, либо при сложившихся условиях эти

полномочия могут быть наиболее эффективно осуществлены Поселением самостоятельно.

7. В случае досрочного прекращения (отзыва) передаваемых полномочий неиспользованные межбюджетные трансферты и имущество, переданное в безвозмездное пользование района, подлежат возврату поселению.

8. Настоящее постановление вступает в силу со дня официального опубликования.

9. Опубликовать настоящее постановление в районной газете «Голос Эренлара» и на официальном сайте Администрации поселения в сети Интернет.

Глава МО «с. Новое-Каракюре»: Г. ПАРВАНАЕВ

Эвел 38, 39-нумрайра

АНТИТЕРРОР

Исламда ватанпересвили важиблу чка къазва

(Давам хьун)

Инсандиз вичин Ватандихъ галаз авай рафтарвал чаз Пайгъамбардин, Аллагъдин патай салам ва хийир-дуьа хьурай адаз, Суннадай аквазва. Пайгъамбар, Аллагъдин патай салам ва хийир-дуьа хьурай адаз, Мекка шегъердай куьч хьуниз мажбур хьайила ада, гъайиф чIугуна ва Аллагъдихъ элкьвена дуьа авуна: «Я Аллагъ! Вуна чаз Мекка кIанарна ва гьакI хьайила Медина шегъерни кIанара! А кIанивал, Меккадихъ авай кIанивилелайни чIехиди хьуй! Ви лукIарал берекат ва регъим рекъе тур! Я Аллагъ-Таала! Мединадин гъава хъсанара ва къиздирма Жувъафадихъ рекъе тур!» (Бухари «Фадаиль-Мадина», №12; Муслим «Гъаж», №480).

Жув хайи ва чIехи хьайи чил кIан хьун, инсандин тIебии лишан я. Пайгъамбар, Аллагъдин патай салам ва хийир-дуьа хьурай адаз, Мекка шегъердай куьч жадаила ада гъайифдивди лагъана: «...Къин хьуй Аллагъдал!... Эгер зун инай акъудзавачиртIа, за вун (Мекка) гадардачир» (Агъмад, ат-Тирмизи ва мсб.).

Ватанпересвал авачиз уьлкве жадач, ам хуьнин ва ам патал женгиниз экъечIунин мана квахъзава. Гъа ида радикальный рекъериз чIехи хийир гузва. Алай аямда халкъар са шумуд чкадал пай хъана, сад-садахъ галаз гьикI мидявалзаватIа чаз аквазва. Гъавилай идан гъакъиндай налугъуди са шейни жезвачирди хъиз кисна акъвазна кIанзавач. Иллаки фашизмдал гъалибвал къачур уьлкведа, генани шовиниствилин

эверар раиж жезвай вахтунда. Гъа са вахтунда Россиядин мусурманриз чара, чи Ватанда яшамеш жезвай гъар жуьредин халкъарин арада мидявал къарагъарзавай маса идеалогиярни гъахъзава.

Гъавилай мусурманри рикIел хвена кIанзава, ватанпересвал – имандин ачухвал я. Ватан кIан хьун, им жуван халкъ кIан хьун лагъай чIал я. Жув яшамеш жезвай чил, ва адахъ галаз алакьалу гъар са хъсан ва гуьзел шей кIан хьун мусурмандин буржи я. Мусурмандин Ватан хкъгъзавач – адан паталай ада жавабдарвал тухузва.

Диндай малум тирвал, инсан накъвадикай арадал атанва. Чи виридан ата-буба Адам, салам хьурай адаз, чепедикай туькIуьрнавай ва адалай амай халкъар арадал атана. Чи беден ва иви чилин элементрикай туькIуьр хъанва. Чун чIехи хъанвай чилихъ галаз са куьни ятIани чун алакьалу ийизва ва ахтин алакьа йисалай-суз мягъкем жезва.

Гъадисра къалурнавайвал, Мугъаммад Пайгъамбарди, Аллагъдин патай салам ва хийир-дуьа хьурай адаз, хирер ва ирин квай чкаяр сагъардайла лугъудай: «Аллагъдин тIварцIелди! Чи чилин накъвадалди! Чи садан цуькIуьндалди! Чи Аллагъдин ихтиярдалди чи азарлуди ида сагъар хъийида!». Ада хирез цуькIуьн гуьцIна, ахпа къалурдай тIуб миьни чилихъ галягъна, адалай къулухъ тIазвай чкадал эцигдай. Мусурманрин духтурри гъа и къайда са жерге лап чIехи азарар сагъарун патал ишлемишдай.

Беденда арадал къезвай азар накъвади вичел къачузвайди абуру лугъудай ва хайи чили гузвай шейер тIуьнин ва сагъарунин патал ишлемишун меслят гъизвай.

Аллагъ Таалади мусурманрин арада халкъарин тафават амаз абуру са Уммат авуна (мана): «Я инсанар! Шак алачиз Чна куьн са игтимдикай (Адам) ва са дишегълидикай (Гъава) арадиз гъана. Квез садаз-сад чир хьун патал Чна генани куьн халкъар ва тайифаяр яз халкъарнава. Гъакъикъатда, вичин арадай Аллагъдин вилик виридалайни гъурмет авайбур-Аллагъдихъ кичIебур я. Шак авачиз, Аллагъ – Чирвал авайди, Чизвайди я» («Аль-Гъужурат» сура, 13-аят).

Инанмишдаз вичин хайи чил ва хайи уьлкве кIан я. Ам адахъ галаз алакьалу я ва адан абадвал патал вичин жавабдарвал гьиссзава. Ада вичин хайи уьлкведин тарихдиз къимет гузва, хайи чIал чизва ва кIанзава. Ам халкъарин тафаватлувилерихъ галаз гъурметдин рафтарвиле ава. Ада вич вишелайни гзаф халкъар ва миллетар садзавай Умматдин пай тирди къатIузва ва садрахъни адан фикирар маса гузвач. Бахтунай хъиз, гъа икI фикирзавайбур лап гзаф я. Анжах тек са дуьз фикир хьуналди бес жезвач. Чин тийидайбурузни чирна ва кIвалахна кIанда, вучиз лагъайтIа, савадсузбурун сесер къати ва мукъув хьун патал, дуьз фикир авайбурун серенжемсузвал бес жезва.

Али-гъажи ЭМИРСУЛТАНОВ

Аялрихъ галаз хъайи рафтарвал

Са сеферда Мугъаммад Пайгъамбарди, Аллагъдин патай салам ва хийир-дуъа хъурай адаз, «Масжид ан-Наби» мискИинда капIзавай. А вахтунда кве йисни зур хъанвай Пайгъамбардин, Аллагъдин патай салам ва хийир-дуъа хъурай адаз, хтул Гъуьсейн, Аллагъ рази хъурай вичелай, гъа и мискИинда къугъвазвай. Гъа икI, купIунин вахтунда Пайгъамбар, Аллагъдин патай салам ва хийир-дуъа хъурай адаз, саждадиз фенмазди, Гъуьсейн, Аллагъ рази хъурай вичелай, гьерекатна фена бейхабардиз вичин чIехи бубадин, Аллагъдин патай салам ва хийир-дуъа хъурай адаз, гардандал хкадарна кылел ацукъна. КупIунин къайдайрихъ галаз асаслу

яз, чIур тавуна кIанзавай саждадай Пайгъамбар, Аллагъдин патай салам ва хийир-дуъа хъурай адаз, къарагънач, та хтул вичелай эвичIалди. Пайгъамбар, Аллагъдин патай салам ва хийир-дуъа хъурай адаз, саждада акъван геждалди амай хъи, адахъ галаз къулухъ акъвазна капIзавай асгъабриз, ада чан ганвайди хъиз хъана кичIе хъанвай. Эхирни Гъуьсейна, Аллагъ рази хъурай вичелай, чIехи бубадин, Аллагъдин патай салам ва хийир-дуъа хъурай адаз, гардандилаи хкадар хъууна ва Пайгъамбарди, Аллагъдин патай салам ва хийир-дуъа хъурай адаз, «Аллагъу Акбар» лугъуналди хкаж хъхъана ва капI акъалIарна. КупIунилай къулухъ

асгъабри, Пайгъамбар, Аллагъдин патай салам ва хийир-дуъа хъурай адаз, элкъуьрна къуна ва чпин къалабулудикай малумарна: яни сажда яргъалди фена, яни абуруз Пайгъамбар, Аллагъдин патай салам ва хийир-дуъа хъурай адаз, рагъметдиз фенвайди хъиз хъана кичIе хъанвай... Пайгъамбарди, Аллагъдин патай салам ва хийир-дуъа хъурай адаз, и къадар авачир къван еке мергъяматдин, кIанивилин ва адалатлувилин чешнедиз зарафатдивди жаваб гана: «За сажда яргъал ракъурнавай, вучиз лагъайIа, Гъуьсейна закай деве авунвай».

А. ЭМИРСУЛТАНОВ

В н и м а н и е ! НПО «Здравоохранение и социальная защита - 2017»

В Соответствии с планом основных мероприятий УНД и ПР ГУ МЧС РФ по РД на 2017 год и в целях профилактики и укреплению противопожарной защиты объектов здравоохранения и социальной защиты.

В период с 15 сентября – 31 октября 2014 года на территории района проводится надзорно-профилактическая операция «Здравоохранение и социальная защита - 2017». Целью проведения операции является повышение уровня противопожарной защиты на объектах здравоохранения и социальной защиты, уделяется особое внимание к объектам с круглосуточным пребыванием людей, а также усилению роли и эффективности деятельности органов местного самоуправления по профилактике пожаров. С этой целью на обслуживаемой территории Магарамкентского района, проводятся плановые и внеплановые мероприятия по

надзору в соответствии с Федеральным законом от 26.12.2008 года № 294-ФЗ «О защите прав юридических лиц и индивидуальных предпринимателей при осуществлении государственного контроля (надзора) и муниципального контроля».

Ответственность за противопожарное состояние в лечебных учреждениях возлагается на руководителей, а также на назначенных его приказом ответственных лиц.

В ходе проверок особое внимание уделяется:

– Соответствие путей эвакуации требованиям пожарной безопасности;

– Наличие и состояние первичных средств пожаротушения, автоматических систем противопожарной защиты, электрических сетей и оборудования, огнезащитной пропитки горючих конструкций;

– Обеспечение условий для беспрепятственного подъезда и установки техники и состояние наружного противопожарного водоснабжения.

Анализ пожаров в лечебных учреждениях показывает, что причинами их возникновения является:

- Неумелое использование электронагревательных приборов;

- Использование электронагревательных приборов кустарного производства;

- Неисправная электропроводка.

Номера вызова пожарной охраны

112, 010, 55-17-78

**Государственный инспектор по пожарной надзору ОНД и ПР
№12 Узденов Г.Р.**

**Начальник ПЧ-37 с. Усучай МЧС
Дагестана Махадинов М.К.**

ДУЪНЪЯДИН ХАБАРАР

Алеппо: Аль-Хайатда Россияди мергьяматлувилини акция кыле тухвана.



Умм Ал-Хайат тIвар алай агъалийрин пунктуниз Россиядин Яракълуйри саки 2 агъзур тонндин суърсет агакьярна. Сирияда дяве кыле физвай вахтунда россиявийри абуруз мергьяматлувилини рекьелди 1611 сеферда куьмекдин гьил яргъи авуна. Медицадин куьмек гайибурун къадар 2700-лай виниз я. Россиядин яракълуйри Алеппо, Домаск, Хамс, Хама провинцияра дяведин цай тухъурдай рахунар кыле тухвана. Анжах «Джебхат ан-Нусра» ва «Исламдин государство» тешкилатри чпин яракьяр гьеле гьилий вегъезвач.


Алимри – виртIедикай...



Америкадин алмирин дестеди чпин ахтармишунра успатзава хьи, инсанри гъич тахъайтIа гьяр юкьуз са тIурунавай вирт ишлемишна кIанда. Ида неинки са гуьгьуьл къумбарзава, гьакIни яхун хьуниз ва зигин хьсанаруниз куьмекзава. Вирт тIебии антиоксидант тирдини кьейднава, ада инсандин организм миxьи ийизва. Дермотологри чпин зенд мягъкемарнава: инсанди гьяр юкьуз вирт ишлемишиз хъайитIа, адан бедендин хамунин гьал хейлин хьсан

жезва. Диетологри лугъузвайвал, вирт холестериндин аксина мягъкемдиз акъвазвава ва ам бедендикай хкудзава. Фагъумда кичI гьатунин аксинани акъвазвава. Кальцийди хьиз, ада инсандин зигъинни хьсанарзава

Хаталу ахвар



Массачусетсдин илимдинни-ахтармишунрин институтда американви алмир авур ахтармишунри кьалурзавайвал, 8 сятдилай гзаф авур ахвар, векьи азарар арадал атунин ва виликамаз кьиникъ гьунин себеб хьун мумкин я.

Алимри авунвай гьа ихътин ачухун, 8 сятдилай гзаф ксанвай 3 миллион инсан ахтармишунин нетижада малум хьана. Гзаф ксай нетижада, хронический азарар векьи жезва ва виликамаз кьиникъин кьурхувал гузва.

Дагъустандин хуьрер - гуьрчегбурун жергеда...



5-9-октябрдин йикъара Татарстанда «Туьркедин кьизил» тIвар алай Вирироссиядин кьвед лагъай форум кыле фида. Адан макьсад тарихдин ва архитектурадин рекъай магъир ва нехишлу имаратар, кьилдин имаратар чешнедиз гьун я. Гьелелиг, авай чешмейралди и сиягъдик Гуниб райондин Карадах, Казбек райондин Дубки, чи Ахсегь, Дахадаев райондин Кубачи,

Табасаран райондин Хучни, Рутул райондин, Шамильский райондин са жерге хуьрер акатнава. Кыле тухузвай акциядин нетижаяр кьурла, чи республикадин 40 райондин хуьрерикай сад кьилин чкадал алайди яз, кьейд ийиз жеда.

Вейпри (папIрусрин жуьре) рикIиз ва дамарриз таъсирзава.

Вейпри ва электронный папIрусар чIугуни инсандин бедендин дамаррин чIунар шуькьуь хьунал гьизва, гьакIни рикIин азарар



хци ийизва. Адетдин папIрусрин кьетIенвилерилай алава яз, винидихъ кьейднавай папIрусрик канцерогенар ва таксинар гзаф квайди алмир кьейдзава.


Робот - стоматолог



South China Morning хабаррин агенстводи кьейдзава хьи, и мукъвара Китайда робот-стоматологдин кIвалах инсан кьаришмиш тушиз кыле тухвана. Са бязи чешмейри кьейдзавайвал, 400 миллион китаянви сарарин узьурди инжикли ийизва. Пешекарар бес тахъуниз килигна, роботар арадал гьуниз мажбур жезва, - лугъузва винидихъ кьейднавай агенстводи.

Гъазурайди: Вадим АГЪАМУРАДОВ

Мад сеферда райондин агъалийрин фикирдиз ГЪИЗВА:



Гъурметлу ватанэглияр!
Чна «Эренлардин сес» газетдин эхиримжи чина саки кьве йисан вахтунда Ватандин Чехи дядедин иштиракчийрикай кхьенвай ктаб гъазурзавайдакай малумат гуз хъана. Къейдна кIанда хьи, и яргал мудатда редакциядиз чар - цIар гваз атайбурун къадар лап тIимил я. Амма икI ятIани чна чи кIвалах акъвазарнавач, тIем акакъдайвал, ам кбиле тухузва. Чи истемешун ам я хьи, пака ктаб чапдай акъатайла, лугъун тавурай, бес къастунай редколлегияди зи мукъва-къилидин женгерин агалкъунрикай, лайихлувилерикай къейд авунач. Вахт гъеле амазма, тIалабзава дядедин иштиракчийрин женгериз ва уьмуьрдиз талукъ материалар чал агакъар хъувун. Чна гуьзетзава. «ЭС» газетдин редакциядин коллектив.

Халкъдин яшайишдин гьалар кIевера ва дарда твазвай, абурун игътияжриз дуьзгъувилелди килиг тийизвай, закондин истемешунриз яб тагана чпин кIвалахар ва къуллугъ идара ийизвай гъакимар гъукуматдин аппаратда гъеле кьери туш. Эгер са гихъгтин ятIани идарада куьн кимивилерал расалмиш жез, абуру пулар тIалабиз хъайитIа, чаз газетдин работникриз хабар це. Чун куь тереф хуьн патал гьар са дуьшуьшда къаришмиш жед ва чIуру кIвалахриз рехъ тагунин карда гъахъвилдин даяхар яз акъвазда. И мураддалди чна, вири уьлкведа хъиз, “горячая линия” кардик кутазва. ТIалабзава чаз чарар кхьин (къуларни чIугуна).

Чи редакция Тел: (8 269) 2-23-45

Скорая помощь ЦРБ Докузпаринского района

тел. 8 928 059 84 90, 8 989 868 03 00

Гъурметлу газет кIелзавайбур!

«ЭС» газетдин редакцияди квевай тIалабзава, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Цийи – Каракуьредин юкъван школадин муаллимрин коллективди Зербалиева Сегъерханум Тагъибековнадиз играми хва
МАКСИМ
вахтсуздаказ рагъметдиз финихъ галаз алакьалу яз, дериндай хажалат чIугунивди, башсагълугъвал гузва.

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:

Докузпара райондин
администрация,
Дагъустан Республика

Учредитель:

Администрация Докузпаринского
района, Республика Дагестан

Къилин редактор:

Э.А.ГЪАЖИБЕКОВ

Жавабдар секретарь:

А.Э. ЭМИРСУЛТАНОВ

Хуси корреспондентар:

Ш.О. ШАГЪБАЛАЕВ
К.Н.ФЕРЗАЛИЕВ
В.С.АГЪАМУРАДОВ
З.Э. МЕДЖИДОВА

Корректор:

Ш. ШАГЪБАЛАЕВ

Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чапзавай вахт - 17:00

Тираж 1200

Редакциядинни макъалайрин авторрин фикирар сад тахъун мумкин я. Макъалайрин делирдин дуьзвилдин патахъай жаваб авторри чпи гуда. Макъалайриз рецензия гузвач ва абур элкьвена вахкузвач. Мадни, чпин макъалайра дегшивилер тунал, къилер дегшиарунал рази тушир мухбиривай чна абур редакциядиз ракъур тавун тIалабзава.

Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докузпара
район, Усугъчай хуьр,
тел.8 (8269) 22-345
e-mail:
gadzhibekov77@mail.ru
Наи сайт: www.erenlar.ru